



Beasaingo Udala

Beasainen, bi mila eta hemezortziko urtarilaren hogeita bian

BILDURIK

Alde batetik, BEASAINGO UDALA Aitor Aldasoro Iturbe jaunak ordezkatuta, Beasaingo Udalaren Alkate-lehendakaria, Toki araubidearen oinarriak erregulatzen dituen apirilaren 2ko 7/1985 legearen 21. artikulua.

Bestetik, LEMNISKATA GOIERRIKO ZIENTZIA SARE HERRIKOIA KULTUR ELKARTEA (N.I.F. G75066266), Fco. Javier Elorza Mugika jn. (NA 15897024E) Lemniskata Goierriko Zientzia Sare Herrikoia kultur elkartearen lehendakariak ordezkatuta, 2016ko martxoaren 9ko batzar orokorrean hartutako erabakiaren arabera.

AURREKINAK

- I. Lemniskata Goierriko Zientzia Sare Herrikoia kultur elkartea 2012an hasita, zientziaren inguruan ekitaldi ugari antolatu ditu.
- II. Kultur sustapenean biziki laguntzen du Lemniskata Goierriko Zientzia Sare Herrikoia kultur Elkartek, urtean zehar hainbat jarduera proposatuz.
- III. Hitzarmen honen helburura Lemniskata Goierriko Zientzia Sare Herrikoia kultur Elkarteen eta Udalaren arteko harremana arautzea da, 2018. urtean zehar hainbat kultur jarduera desberdin egiteko.

BALDINTZAK

LEHENA.- Lemniskata Goierriko Zientzia Sare Herrikoia kultur Elkartek honako jarduerak antolatu eta ordaintzeko konpromisoa hartzen du.

- ♦ Urtarrilean *Matematikaren Bila* zikloarekin emango diote hasiera.
- ♦ Martxoan, *Made in Goierri*: etorkizuna eraikitzen.
- ♦ Azaroan *Zientziaroa* antolatuko dute.
- ♦ Hitzaldiez gain, hiru erakusketa antolatuko dituzte.
 - IV. Lemniskata Matematika argazki lehiaketa
 - HINE S.A.
 - Goierriko arkitektoak XV-XVIII. Mendeak
- ♦ Lemniskata kaierak bildumako 2.alea argitaratuko dute, Goierriko arkitektoak XV-XVIII mendeetan.

BIGARRENA.- Beasaingo Udalak jarduera horien antolaketarako **14.490 €** emanez lagunduko dio eta jarduerak egiteko lgartzako Jauregia eta Usurbe Antzokiko erakusketa aretoa erabiltzen utziko dio. Ordainketa zerga eta gizarte segurantzako betebeharretan



eguneratuta dagoela kreditatu ondoren, urtean bi aldiz egingo dira likidazioak 7.245 € apirilean eta 7.245€ urrian.

Udalak ematen duen diru-laguntza bateragarria izango da helburu berdinetarako elkarteak jasotzen dituen beste laguntzekin. Jasoz gero, ezagutu bezain pronto, Udalari jakinaraziko dio eta horrek hitzarmena berrikustea ekarriko du.

Dirulaguntzen Lege Orokorraren 13. artikuluan xedatutakoaren arabera, LEMNISKATA GOIERRIKO ZIENTZIA SARE HERRIKOIA KULTUR ELKARTEAK egiaztatu beharko du ordaindu beharreko zergak, gizarte-segurantzakoak barne, egunean dituela.

HIRUGARRENA.- Lemniskata Goierriko Zientzia Sare Herrikoia kultur Elkarteak bere partaidetza beharrezkoa den beste edozein ekitalditan lagunduko du eta kultur mahaian parte hartuko du.

LAUGARRENA.- Lemniskata Goierriko Zientzia Sare Herrikoia kultur Elkarteari dagokio hitzarmendutako jardueri beharrezkoa den publizitatea egitea eta Beasaingo Udalaren (eta logotipoa) aipatzea beraiek antolatutako jardueri buruz egiten dituzten prentsarako ohar guztietan. Era berean, leku duin eta ikusgarrian aipatu beharko dira Beasaingo Udalaren laguntza, kartel, aldizkari, esku-egitarau, e. a., motatako zabalkunde-bitartekoak erabiltzen direnean.


BOSGARRENA.- Hizkuntz Politikako irizpideak jarraituz, idatziz sortzen diren material guztietan (kartel, diptiko, eskuliburu, apunte etab.) euskarari lehentasuna emango zaio eta materialen zirriborroak inprimategira eraman aurretik Udaletxera ekarriko dira testuen hizkuntz egokitasuna eta proportzioen zuzentasuna ziurtatzeko. Aurkezpenetan eta antzekoetan ere euskarak lehentasuna izango du.

SEIGARRENA.- Lemniskata Goierriko Zientzia Sare Herrikoia kultur Elkarteak, publizitate bidez finantzatuko dituen diptiko edo beste edozein inprimakiren kasuan, dendariak euskarazko publizitatea eros dezaten ahaleginduko da eta, bestela, publizitatea ele bietara jasotzeko ahalegina egiteko konpromisoa hartzen du.

ZAZPIGARRENA.- Udalak hizkuntzari dagozkion arlo guztietarako bere laguntza eta lankidetzak eskainiko ditu.

ZORTZIGARRENA.- Beasaingo Udalak beharrezkoak diren Udal zerbitzuak eskaintzen jarraituko du, esandako jarduerak ongi burutuko direla ziurtatzeko eta Kultura Batzordeak beren antolaketa gainbegiratu ahal izango du.

BEDERATZIGARRENA.- Beasaingo Udalak Lemniskata Goierriko Zientzia Sare Herrikoia kultur Elkarteak aurkeztutako kontuan hitzarmendutako zenbatekoa sartuko du jarduera burutu baino lehen, eta Lemniskata Goierriko Zientzia Sare Herrikoia kultur Elkarteak urtea amaitu baino lehen udalaren esku utzi beharko du ondorengo dokumentazioa:





Beasaingo Udala

- a) Jardueren azalpen memoria, bertan ekitaldi guztietan egindako hizkuntz erabilpenaren berri zehatza eta arrazoitua emanaz.
- b) Fakturak edo eskuratutako dokumentuak, ahal bada originalak, edota fotokopiak, egindako gastuen egiaztagarri.
- c) Idatziz sortutako materialaren ale bana aurkeztu beharko ditu.

HAMARGARRENA.- Hitzarmen hau betetzeari dagokion guztirako, Lemniskata Goierriko Zientzia Sare Herrikoia kultur Elkartek, Alkatetzak horretarako jartzen duen edo dituen pertsona edo pertsonekin izango ditu zuzeneko harremanak

HAMAIKAGARRENA.- Emakumeen eta Gizonen Berdintasuna babesteko klausula. Elkarrekin berdintasuneko irizpideak (Otsailaren 18ko 4/2005 Legea, Emakumeen eta Gizonen Berdintasunerakoa eta hau aldatzen duen otsailaren 16ko 3/2012 Legea) kontuan hartuko dituzte bai elkarrekin barruan bai eta sustatzen dituzten proposamenak gauzatzeko garaian ere.

HAMABIGARRENA.- Datu pertsonalak babesteko klausula.

- A. 1999ko abenduaren 13ko 15/1999 Lege Organikoan (DBLO) ezarritakoa betez, alegia, Datu Pertsonalak Babestekoan, alde bakoitzak erasandakoen baimen informatua lortzeko ardura izango du, hain zuzen ere, hitzarmen honen xede diren jardueren garapenean beharrezkoak diren beren datu pertsonalen tratamendurako. Era berean, alde bakoitzak hitzarmen honen xede diren jardueren garapenean erabilitako datu pertsonalen konfidentzialtasuna bermatzeko ardura izango du.
- B. Elkarrekin Beasaingo Udalarik datu pertsonalen lagapena eginez gero, uneoro, beren datu pertsonalak lagatzeko erasandakoen baimen informatua duela bermatu beharko du.
- C. Alde bakoitzak egin litzakeen indarrean dagoen datuak babesteko araudi honen ez-betetzeetatik letozkeen ardurak bere gain hartuko ditu.

HAMAHIRUGARRENA.- Aurreko edozein baldintza behar bezala ez betetzeak hitzarmen hau berrikustea ekarriko du.

HAMALAUGARRENA.- LEMNISKATA GOIERRIKO ZIENTZIA SARE HERRIKOIA KULTUR ELKARTEAK (N.I.F.: G75066266) baimena ematen dio espresuki BEASAINGO UDALARI, Gipuzkoako Foru Aldundiko Ogasun eta Finantza Departamentutik eskura dezan, hitzarmen honetan aipatzen den ORDAINDU BEHARREKO ZERGAK EGUNEAN IZATEAREN baldintza betetzen duela egiaztatzen duen agiria:

☒ BAI

☐ EZ

Eta esandako guztiarekin ados egonik, bildutakoek dokumentu hau urte baterako sinatzen dute bikoizturik, goibururen aipatutako data eta lekuan.



